

Universitätsbibliothek Paderborn

**D. Ioannis Ivsti Lanspergii Carthviani, Natione Bavari,
Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Pars III. Complectens in se, vti horæ Canonicæ sint à cunctis Ecclesiæ Dei
ministris persoluendæ qua item ratione eædem possint ad D. N. Iesu
Christi referri vitam passionemq[ue].

[urn:nbn:de:hbz:466:1-45928](#)

Item ad idem aspiratio.

HVnchonorem tibi offero Domine Deus meus in vnione illius honoris, que te colit cœli curia & vniuersus orbis, Amen.

Item ad idem aspiratio.

TE decet laus, te decet hymnus, tibi gloria Deo Patri & Filio cum sancto Spiritu in secula seculorum, Amen.

Ex iuris inter homines, commendate Deo hoc modo, & dico.

AMantissime Iesu, omnes sensus & vires animæ meæ, omnia membra corporis mei, totumq; cor meum commendabo tibi & hæc custodienda, regenda, ac seruanda recondo in vulnus illud gratiosissimum & fidelissimum cordis tui, ut ibi tu ab omni peccato, ab omni delectatione & affectione vitiosa me præserues, & velle & nolle, quiescere & operari meum in te concludas ac perficias, omniumq; actuum & cogitationum mearum sis tu principium, intentio & finis.

Dulcis Iesu, da mihi perfectissima abnegatione meipius, vestigia sacrosanctæ Vitæ tuæ deuotissimè & perfectissimè imitari, & in omnibus beneplacito tuo conformari, Amen.

Cum reuertaris ab occupationibus aut conuersatione hominum ad quietem & silentium cor-dis dico.

OAmator amabilissime, vñica consolatio & requies animæ meæ, nunc omni creaturæ abrenuntio, & ad te dulcissime Iesu me conuerto, tēcū omni desiderabili præligo: suscipe & posside me per gratiam tuam, trahe me in te, & fac ut in auertibilitate inhæream & quiescam in te, Amen.

PHARETRAE DIVINI AMORIS Libri Secundi pars III.

Complectens in se vt Horæ (quas vocant Canonicas) sint à cunctis Ecclesiæ Dei ministris persoluendæ: qua item ratione eædem possint ad D. N. Iesu Christi referri vitam passionemque.

Ante horarum initium Precatio, I.



Peri Domine os meum ad benedicendum nomen sanctum tuum, & mundacor meum à vanis, noxijs & peruerbis cogitationibus, vt exaudiri merear ante conspectum diuinæ Maiestatis tuæ, Amen.

Precatio, II.

Domine Iesu Christe, da mihi gratiam, vt hanc horam deuotè persoluere possim, in vnione illius amoris, quo tu in hoc mundo Patri tuo coelesti laudes diuinæ persoluisti, Amen.

Precatio, III.

N

Omnipo-



Onipotens sempiterne Deus, qui nos cum nihil essemus de nihilo creasti
cum perifsemus, misericorditer redemisti, rogo te per incommutabilem Ma-
iestatem tuam, suscipe has laudes & orationes, quas tibi nunc & omni tem-
pore dicturus sum in illa unione charitatis, qua vni genitum, Filium tuum misisti in
uterum Virginis Mariae, eumque patientem & morientem in cruce suscepisti, Amen.

Precatio. IV.

Plissime Domine Deus, praesta mihi has horas attente, intente & deuote persol-
uere, ad laudem & gloriam diuini nominis tui, ad meam salutem, proximorum
protectum & utilitatem, secundum S. Ecclesiae intentionem & meam profes-
sionem, & ad animarum quae in purgatorio sunt gaudium & consolationem, Amē.

Precatio. V.

O Iesu vigilantissime animarum pastor, ea quæsol' sollicitudine ac vigilancia,
qua charissimos tuos discipulos tristitia & mærore oppressos in oratione
rouisti, me quoque misericorditer fouere dignare, ac omnem somnolentiam
& temorem ab oculis meis procul abige, quo toto cordis affectu preces meas tibi
exoluere, sineque intermissione te laudare, honorare & proximos meos ad te laudandum
incitare possim. Non obruat me Domine Deus meus vitiorum somnus dum
diuinæ tuæ decantare debeam laudes, sed tuæ charitatis flamma vehementer me
inflammet, ut in diuino tuo cōspectu, omniumque angelorum ac beatitorum spirituum
præsentia, reverenter, deuote ac pie me geram cor ad te semper subleuando, oculos
ab omni euagatione contendo, linguam à vaniloquio custodiendo, totumque spi-
ritum meum in te refundendo, Amen.

Effusiones cordis, ad septem horas canonicas accommodandæ.

Ad Matutinas, brevis effusio cordis.

Domine Iesu Christe amator fidelissime, en offero tibi charitatem illam, pa-
ciendique desiderium, quo inimicis tuis ultra te obtinum capiendumque prebui-
sti. En offero tibi vincula, verbera, improperia, conuictia, blasphemias, alapass
sputa, colaphos, aliaque ignominiosa multa, quæ in dominibus Annae & , Cayphæ per
totam noctem passus es, quando à Iude traditus, à Petro ter negatus, à scribis &
phariseis damnatus, à vilissimis quibusque velatus & illusus es.

Pro his, alijsque omnibus ac singulis, & pro immensa charitate tua qua nos diligis
amantissime Domine Iesu Christe, adoro, laudo, benedico te & gratias tibi ago,
meque totum in honorem ac beneplacitum tuum offero, oras ut gratia tua me reple-
at, quæ peccata omnia in me delectant, priuatum amorem ac vita cuncta mortificet, o-
mnesque sensus, cogitatus atque affectiones meas purificet, in te trahat, stabilitat, atque
concludat, Amen.

Ad Primam, effusio cordis brevis.

O Domine Iesu Christe, en offero tibi omnem illam ignominiam ac contume-
liam, quam pro me passus es, quando manœ à Iudeorum senioribus ad mor-
tem damnatus, vincitus, consputus, ad Pilatum ad Herodemque ducebaris & re-
ducebaris accusbaris, & tacebas; spernebaris, probrosaque ueste illudiebaris, & su-
stinebas.

Eia misericordissime Iesu, omnia verbera, omnemque penam, omnes iniurias

215



atq; blasphemias offero tibi, & pro omnibus his te adoro, laudo, benedico, & gratias tibi ago, obsecrans te per immensam bonitatem tuam, infunde cordi meo perfectissimam humilitatem, qua omnem gloriam & honorem detester & fugiā, propriam cognoscam vilitatem, meipsum despiciam, meiq; contemptum diligā. Dulcis Iesu, fac ut cupiam, ex animo iq; gaudemam nesciri, despici, vilis astimari, atq; contumelias pati, Amen.

Ad Tertiam, effusio cordis.

O Domine Iesu Christe, en offero tibi pudicissimi corporis tui nudationem, innocencissimamq; illam cordis tui verecundiam, simulq; acerbissimos quosq; & corporis dolores & cordis tui angustias, quando circa horam tertiam toto corpore nudatus ad columnam ligabar, flagellabar, vulnerabar, ac subinde veste coccinea amictus, spinis coronabar, vulnerabar, adorabar, intereaq; conspuebar, alapis & arundine cædebar. Atq; sic illusus, sic miserabiliter vulneratus, sic afflitus & sanguine ac sputis fecundatus, tandem populo spectandus producebaris; à quo dum magno furore ac inuidia ad crucem es postulatus, latrone dimisso ante tribunal statuebar, damnabar, & ad calvariaz locum baiulans tibi crucem, educabar. Vbi matre quoq; occurrente, amicis flentibus, inimicis insultantibus trahebar, subsannabar, ac impellebar, donec deficiensibus viribus inter verbena & cruenta vestigia, inter gemitus & suspiria ante oculos matris sub cruce corruxisti.

Eia misericordissime Iesu omnia opprobria & derisiones, omnesq; acerbos gressus pedum tuorum, inter amara exprobrantium verba & verbera, omnem luorent & dolorem corporis tui, offero tibi. Et pro his omnibus gratias tibi ago, teq; adoro, laudo, & benedico, obsecrans te per effusionem benedicti sanguinis tui, & per immensam charitatem qua nos diligis, da mihi perfectissimam patientiam, patientiq; desiderium, ut in omni adueritate & contumelia, in omni dolore ac pressura, te laudem, tibi gratias agam, neq; tibi ex abysso cordis mei in perfecta abnegatione meipius relinquam, & in omne benefacitum tuum offeram, Amen.

Ad Sextam, cordis effusio.

O Domine Iesu Christe, en offero tibi nudationem vulnerati corporis tui, dolorumq; & vulnerum renouationem, extensionem membrorum, crucifixionem manuum ac pedum, neruorum quoq; ruptionem, compagum solutionem, & effusionem preciosi sanguinis tui, que omnia & complura alia tu amantisime Iesu circa horam sextam passus es in cruce in Calvariaz loco, quando inter latrones eleuatus, à prætereuntibus & exprobrantibus despctus, ab uno latronum obiurgatus, ab altero pro venia rogatus, pro inimicis Patrem orabas, reo penitenti paradisum promittebas, matremq; sub cruce stantem & moerore tabescensem discipulo commendabas.

Eia misericordissime Iesu, pro omnibus his poenit, gemitiis, tristitijs, pressuris atq; cruciatibus, tam externis quam internis, adoro, laudo & benedico te & gratias ago tibi, obsecrans te per singulas guttas rosei sanguinis tui, non sinas me separari aut auerti à te, sed crucifige in me quicquid est crucifigendum, & clavis ardentiissimæ charitatis vulnera atq; constringe me. Fac ut oculis imò omnibus sensibus meis nunquam desit memoria & imago dolorosæ huius crucipendientiaz tuæ, que cor meum sauciet, inebleat, absorbeat atq; in te poenitius transformet, Amen.

n 2 Ad



Ad Nonam, effusio cordis.

Ifa. 42

O Domine Iesu Christe, en offero tibi lamentabilem illam cordis & omnium membrorum tuorum angustiam, pressuram atque derelictionem, quando omni consolatione destitutus, poenis quibuslibet vndiq; aggrauatus, pressuris cunctis torus expositus, torus vulneratus, torus abiectus, & quasi leprosus atque percussus a Deo, viororumq; omnium nouissimus, neque speciem habens, neque decorum, a planta pedis usque ad verticem capitis non habuisti in corpore tuo ubi esset sanitas: sed cruci immobiliter affixus, omni consolatione destitutus circa horam nonam, lugentibus etiam elementis, ad Patrem, Eli, Eli, lamazabathani, clamabas, & vehementi fiti aestuans, atque idipsum clamando indicans, ne guttam quidem aqua recipiebas: sed inter lachrimas, dum valido clamore te Patri offerens commendasti, inclinato capite spiritum emittebas.

Eia suauissime Iesu, per omnes plagas, vulnera, dolores & liuores tuos, per amarissimam mortem & viuifici cordis tui ruptionem, per anima tuae sanctissimae a corpore separationem, per transfixionem lateris, & apertio nem cordis tui, & per sanguinis & aquae emanationem, per victoriosam quoque obedientiae tuae ac vitalis triumphi consummationem (pro quibus adoro, laudo, benedico te, & gratias ago) obsecro te, ut mundo & omnibus concupiscentijs, vitijs atque quibuscumque inordinationibus (quae tibi non placent) moriar, & tibi soli viuam, te solum sentiam, tibi soli inhazream, tibi soli merear conformari, tibi soli perpetuo ac inseparabiliter viviri, Amen.

Ad Vesperas, effusio cordis.

O Domine Iesu Christe, en offero tibi nunc flebilem illam corporis tui depositio nem de cruce, matris in finum te suum recipientis angustiam atque mortorem, amicorumq; lugentium tristitiam.

Pro quibus omnibus adoro, laudo, & benedico te, & gratias ago tibi, o rogo te Domine Deus meus, infunde cordi meo perfectissimam humilitatem ac mansuetudinem, patientiam, mititatem, compassionem & perfectissimam ad omnes homines, prasertim ad inimicos, exuberantem charitatem, & fac ut anima mea de corpore egrediens, per merita passionis tuae, perque cunctas miserationes tuas inueniatur tota pura & immaculata, tota tibi reconciliata, tota tibi placens & accepta, ad tua gaudia euestigio egressura, Amen.

Ad Completorium, effusio cordis.

O Domine IESV Christe, offero tibi nunc mortalem illam sepelitionem corporis tui, aromatibus conditi atque syndone inuoluti, tristemq; amicorum cum matre redditum, amaticis tuae Magdalene pietatem, & gemitum matris tuae resurrectionem certa fide expectantis & stuans desiderium, sanctorumq; interea in Jymbo post infinita suspiria, ex tua praesentia gaudium exultantemq;, triumphum atque egressum.

Pro quibus omnibus te adoro, laudo & benedico, tibi gratias ago, teque per tuam bonitatem obsecro, ut vniuersitate tuae miserearis hereditati, quam tuo preclarissimo sanguine redemisti: largiaris Ecclesiae tuae reformationem & pacem, videntibus tui amorem atque salutem, defunctis requiem, & omnibus nobis hic gratiam, & post hanc vitam miseram, vitam beatam & sempiternam, Amen.

Seru



Sero in crepusculo fineq; dici, Precatio.

O Domine Iesu Christe, en offero tibi omnem vitam tuam innocentissimam sanctissimamq; laboribus & ærumnis attritam, virtutibusq; plenam. En offero tibi cœnam nunc illam typicam, qua legi obediens, & ad patientium pro nobis feruens, simulq; nobis exemplum imitandi ac monimentum te recolendi diligendiq; relinquens, discipulorum pedes lauisti, corporis & sanguinis tui sacramento refectionem nobis instituisti, & post sermonem dulcissimum atque amore plenum, quo discipulos confortasti, ad hortum egrediens, tristari vñq; ad mortem & pauorem ceperisti.

Eia amantisime Iesu, per trinam illam orationem tuam in monte Oliueti, per moriendi paorem simul ac desiderium, per cordis tui angustiam atq; pressuram, per exuberantem totius corporis tui sudorem sanguineum (pro quibus te adoro, laudo, benedico, tibiq; gratias ago) offero & commando me tibi, omnesq; qui mihi commendati sunt, & pro quibus orare debeo aut cupio, orans ut nos facias omnes secundum beneplacitum tuum, quomodo maxime tibi placuerit nos esse, Amen.

Ad horas Canonicas septem, precatio[n]es itidem septem, pie iuxta ac deuotæ.

A D M A T V T I N A S.

Ea que Christus pro nobis suffinxuit offeruntur illi denuò per suum p[er]issimum cor pro nostris malefactis.

Plissime Iesu Christe adoro, laudo, benedico & gratias ago immensa Maiestati tue, quod tam innumera pro me incommoda, labores, corporis fatigations, famem, siti, æstum, frigus, & id genus afflictiones sustinere non es digne[t]us, offerens eadem tibi omnia per p[er]issimum cor tuum in unione eiusdem charitatis tue, qua ea perpeti non recusasti pro peccatis meis, ac totius mundi delictis, Amen.

Ad Primam horam.

Pro charitate promptitudineq; implendi Dei in cunctis beneplacitum.

A Mantissime Domine Iesu Christe, ardor ille charitatis, qui te, vt errantem me quereres, perditumq; saluares, fecit incarnari, laborare, in oratione per noctare, prædicare, pati ac mori, ardeat in me quæso semper, urgeatq; me, vt in omne beneplacitum tuum promptus, alacer atq; deuotus inueniar, & onane tempus, omnesq; vires meas in tuam gloriam expendam, Amen.

Ad horam Tertiam.

Pro flexibilitate cordis humani, ac imitatione Christiformium virtutum.

A Doro te Domine Iesu Christe, qui nobis in teipso, & bene viuendi normam, & omnium exemplar virtutum fræbuisti. Erga omnes enim, quamlibet viles & miseros, quam eras, pie Iesu, misericors, quam mitis, quam benignus, quam humilis, quam charitate plenus? Frange igitur quæso cordis mei duritiam, & fac me tuas virtutes imitari, tuq; me studeam semper voluntati in omnibus conformare, Amen.



Ad horam Sextam.

Pro contritione, paupertate, spiritu.

Domine Iesu Christe, quamuis rex gloriae, vniuersitatis dominus, Filiusque filii Patris, quamuis infinita, cunctisq; incomprehensibilis sit Maiestas tua, tamen despici, illudi, hominum obprobrium & ignominia fieri, latronibus sociari, cumq; eisdem damnari pro me dignatus es, infunde quæso mihi iugem veramq; contritionem & paupertatem spiritus, qua meipsum sancto odio contemnam, te vero semper & super omnia & in omnibus exalte, colam ac diligam, Amen.

Ad horam Nonam.

Pro patientia in aduersis.

Benigne Iesu Christe, pro doloribus penitentia, cruciatibus, omnibus pro vulneribus quoque tuis singulis, adoro, laudo, benedico, atque gratias tibi ago, quia propter me eadem sustinuisti: obsecrans te per infinitam misericordiam tuam, ut hæc omnia pro peccatis omnibus, propter totius mundi iniquitatibus suscipias, & patientiam mihi inter omnia aduersa perfectissimam infundas, Amen.

Ad Vesperas.

Pro fide, spe & charitate adipiscendis.

Dilectissime Iesu Christe, omnes tristitia, dolores, afflictiones, omnes quoque compunctiones ac gemitus cordis tui internos, offero tibi pro peccatis meis, & eadem contra omnem tristitiam inordinatam, contra timorem & pusillanimitatem meam tibi exhibeo: orans ut hæc auferas à me, mihiq; spem, fidem, charitatemq; quibus tibi inauertibiliter inhæream, infundas, Amen.

Ad Completorium.

Pro virium corpori ac anima in Dei laude & obsequio impensione.

Misericordissime Iesu Christe, qui vulneribus atq; liuoribus propter me adeo fuisti repletus, ut à planta pedis usque ad verticem capitis, nulla in te fuerit sanitas: qui que sanguinem tuum vniuersum pro mei redemptione tam abunde tamq; copiose effudisti, ut veluti arefactus ex solis ardore appareres: per has singulas sanguinis tui nobilissimi guttas, te obsecro, ut omnes vires animæ & corporis mei, omneq; tempus vitæ meæ facias me expendere in laudem, gloriam, ac supremum beneplacitum cordis tui dulcis Iesu, qui es benedictus in secula, Amen.

Post horarum canoniarum persolutionem ad Deum, pro negligentiarum expiatione, Precatio.

Gratias tibi ago omnipotens sempiterne Deus, quod me indignum & flagitiolum peccatorem ad tuum seruitium nullis meis meritis, sed sola dignatione tua vocare dignatus es. Rogo te per dolorem vulnerum Domini nostri Iesu Christi vngeniti tui, & per sanctissimi sanguinis eius effusionem ac innocentissimæ mortis virtutem, suscipe hoc sacrificium seruitutis meæ, licet multis negligentijs & virijs inquinatur, in vniione illius gratissimæ tibi charitatis, qua semetipsum idem filius tuus Dominus noster Iesus Christus obtulit holocaustum in cruce pro nobis, ad gloriam Maiestatis tuae, pro peccatis meis, pro Ecclesia tua sancta, pro animabus



Mabus in purgatorio, & pro quibus teneor vel intendere debo: & concede mihi ut
in veritate te perfectè diligam, & in virtutibus iudicis proficiam, & in seruitio tuo
semper deuotior, alacrior, fidelior, & magis strenuus inueniar. Ad quod obtainendū
benedicat me omnipotens Pater, instruat me sapientia filij, repleat me dulcedo
Spiritus sancti, attrahatq; me diuina gratia, & vniat me secum sine fine. Amen.

Post horarum canoniarum persolutionem, ad beatissimam Virginem Mariam, Antiphona.

O Flos florum, o domicilium virtutum, o electissima mulierum B. virgo Ma-
ria, cuius solius commercio fragilitas humana inuenit aditum resurgendi.
Admitte preces nostras intra sacrarium exauditionis tuę, & reporta nobis
gratiam reconciliationis Sit per te excusabile, quod per te ingerimus. Accipe quod
offerimus. Impetra quod rogamus, quia nec potentior em meritis ad placandam i-
ram iudicis inuenimus, quam te, quę meruisti mater existere eiusdem redempto-
ris & iudicis. *Versus.* Dignare me laudare te virgo sacra.

Repons. Da mihi virtutem contra hostes tuos. *Precatio.*

C Oncede misericors Deus fragilitati nostrae subsidium, ut qui sancte Dei ge-
nitricis conceptionem, nativitatem, præsentationem, annunciationem, com-
passionem, requiem seu dormitionem, assumptionem, beatificationem seu
coronationem, veneramur, intercessionis eius auxilio igne ardentissime charita-
tis accendamur, ut peccatis nostris tua miseratione deletis, per te mereamur cunctas
tentationes vincere, mundum contemnere, in aduersis gratias agere, velle pari ac
despici, priuatum amorem occidere, vita mortificare, & in omne beneplacitu tuū
fideliter nos tibi usque ad mortem resignare. Per eundem Dominum nostrum Ie- Apoc. x.
sum Christum filium tuum, qui dilexit nos & lauit nos in sanguine suo, pro nobis
crucifixus & mortuus, tecum in unitate Spiritus sancti per æternam secula benedi-
ctus, Amen.

*Prædictæ festinatæ ita distinguenda sunt, ut quilibet dies hebdomadae suum proprium ha-
beat festum, Exempli gratia. Feria secunda Conceptionem. Feria tertia Nativita-
tem &c. & sic per ordinem.*

Efficacissima ad Iesum, Precatio.

O Nuda humanitas, o magnum martyrium, o virtus sanguinis, o mortis acer-
bitas, o diuina dulcedo Domini nostri Iesu Christi adiuua me ad æternam
felicitatem, Amen.

*Leo Papa decimus, concessit remissionem omnium defectuum, in horis canonicis humane
fragilitate commissorum, omnibus hec sequentia dicentibus.*

S Acros sanctæ & indiuiduae Trinitati, crucifixi Domini nostri Iesu Christi hu-
manitati, beatissimæ ac glorioissimæ virginis Mariæ fecunditat: & omnium
Sanctorum unitati sit sempiterna laus, honor, virtus & gloria ab omni
creatura, nobiscip̄ remissio omnium peccatorum & negligentiarum per infinita le-
cula seculorum. Et beata viscera Mariæ virginis, quæ portauerunt æterni Patris Fi-
lium: & beata ubera quæ lactauerunt Christum Dominum nostrum, Amen.

*Pater noster & Ave Maria, pro felicitate summi pontificis & sanctæ Matris Ecclesie.
Item Ecclesia, & Omnipotens sempiterne Deus qui viuorum.*

